

www.BibleForChildren.org


Mateo 8




Rabé nētē 'iónxa pëcaracëbëtan ca Galilea nētēnu 'icē
ëma, Caná cacē, anuxun uni achúshinën aín bëchicē
xanu bimiti 'ain, aín aintsi 'ibucama pi unun quixun aín
uni camiacëxa. Anu ca Jesusan titaribi 'iacëxa. Usa
'ain ca Jesúsribi aín 'unánmicē unicamabë aribia
camicëx cuanx



Anu 'ixun ca unicaman cēñucēxa vino 'aíma 'ain aín
titan Jesús cacēxa: —Vino ca 'aíma 'icēn, ca cēñúaxa.
Cacēxun ca aín titan an piti 'ináncē unicama cacēxa:
—'Ēn tuacēan mitsu cacēsabi oquin ca 'at.



Usa 'ain ca Jesusan an piti 'ináncë
unicama cacëxa: —Ñütënu ca 'unpax
buácat. Cacëxun ca usoquin 'acëxa.
Usaquian 'aia ca cacëxa: —Buácabianquin
ca fiesta 'ibunu buántan. Cacëxun ca
Jesusan cacësabi oquin
buáncëxa.



Buáncëa fiesta 'ibun, Jesusan 'unpax 'icëbi vino ocë,
a tanquin, uinua bęcë cara quixun 'unaniamabi ca an
ñutënu buácabianquin
buáncë unicama ainshi
'unáncëxa. Usa 'ain ca
fiesta 'ibun an xanu
biti uni cuënxun cacëxa:



—An fiesta 'acë unin ca vino upí pain 'inántancëxun a cëñuia vino asábitanishi uni 'inania. Usa 'aínbi camina min bërí 'atimatani pain 'inántancëxun vino upí 'inanin.



Usoquin ca Jesusan Galilea menu 'icë ëma, Caná,
anuxun aín sinanëinshi 'atabaquin uni
itsin 'acëma ñu 'acëxa, uni
itsin cushisamaira ca aín
cushi 'icë quixuan
unicaman 'unánun.




Usaquian ñu 'aia isi ca aín 'unánmicë
unicama ami catamëacëxa.



Usaquin cabiani Pedronën xubunu
cuanxun ca Jesusan Pedronën nachi
'itsisan 'i racácë mërácëxa.



Mëraxuan aín məcən mēēcəxəshi ca aín 'itsis
nētəacəxa. Usocəxəshi pəxcuti niruxun ca atu
pimiacəxa.



A nētēnbi ca bari cuabúcēbēa bēbáquishbucēbētan a
ēmanu 'icē unicaman, uni 'insíncēcamacēñun uni
ñunshin 'atimañu acama
an pēxcunun Jesúsnu
bēacēxa. Bēcēbē ca
a ēmanu 'icē unicamax
anua Jesús 'icē xubun
xēcuēnu timēacēxa.




Usaria ca Jesusan bëtsi bëtsi 'insínñu unicama
pëxcüacëxa, pëxcüanan ca 'itsa uninua ñunshin 'atima
chiquíancëxa. Chiquíncëxuan ui cara ax 'icë quixun
'unáncëxun ca Jesusan uisaíbia a ñui banati
cuëënquinma ñunshin 'atima banamiama 'icën.



Jesusan aín cushínbi 'itsa uni pëxcucë cupí ca anu 'icë
'insíncëcaman —'ën ticacëxuinshi ca 'ëribi pëxcuti 'icë
—quixun sinani a ticanux
tsitsíruacëxa.

Usaía 'ia ca Jesusan
'insíncë unicama
pëxcüacëxa.



Ñuixuncëbëtanbi ca rabé 'imainun rabé unin uni
achúshi ñucë, nirucuaínquinbi tancëma, bacëtinu
racácë bëacëxa.



Bëxun ca 'itsa unia tsitsíruan anun
atsínmiti 'aíma 'ain, tapitinën
buánrutancëxun, xubu manan
tapuacë anua Jesús 'icë
puntébi cha oquin
bërúaratancëxun,
aín bacétinuabi
nanpácëxa.




Nanpáquin ca —Jesusan ca ënë uni pëxcuti
'icë —quixun aín nuitu mëu
sináncëxa. Sinania atun
sinan 'unánquin ca
Jesusan ñucë uni
cacëxa: —Min
'uchacama ca
tërëncë 'icë —quixun.
—'Ën cana mi cain,
niruquiani ca min
bacëti bibiani min
xubunu cuantan.



Usaquin cabiania 'ucë manan cuanux manë nuntinu
'iruquiancëbë ca aín 'unánmicë
unicamaxribi 'iruacëxa.
'Iruquiani cuanía Jesús
'uxánbi suñúan
'icuatsíncëbë parúmpapa
bëchuni ca 'umpax aín
nuntinu 'iruacëxa.



Quia ca Jesusan bėsuquin cacėxa: —ćUisacatsi
caramina racuėtin? Mitsun camina Nucėn Papa Diosan
ca asėrabi nu bėrúanquin 'aquinia quixun sinaniman.
Cai niruquin ca suńúan —ca nėtėt —canan
parúmpaparibi —ca bucubut
—quixun cacėxa. Cacėxėshia
suńu nėtėishimainun
ca baca bėchúnribi
nėtėacėxa. Usoia isi ca
aín 'unánmicė unicama



ratuti canancėxa:
—ćUisa uni cara ėnėx 'ic?
Suńúanėnbi, bacánbi
ca aín bana cuatia.



Camabi uni asérabi nuibaquin ca
Nucën Papa Diosan aín Bëchicë
achúshi ënë menu xuacëxa, uicamax
cara ami catamëtia axa
nëtétimoi abë 'inun.



Romanos 3:23 Camabi unix ca Nucën Papa Diosan iscëx
'uchañu 'icën. Upíira 'inuan Nucën Papa Diosan unio
'aíshbi ca usama 'icën.

Romanos 6:23 Aín 'ucha cupí ca uni iétimoi bamati 'icën.
Usa 'aínbi ca axa aín 'ucha térénun Nucën 'Ibu
Jesucristomi catamécë unicama a abë xenibua 'aínbi
'inun Nucën Papa Diosan iémia.

Hebreos 9:27 Ënë nētēnu 'icë camabi unix ca
achúshitishi bamati 'icën. Usa 'icë ca aín ñu 'acëcama
'unánquin Nucën Papa Diosan uicamax cara aín nētēnu
abë 'iti 'icë quixun canan uicamax cara anu abë 'itima
'icë quixun cati 'icën.



Efesios 2:8,9 Nuibaquin ca asérabi cuëenquin mitsúxmi
Cristomi catamëti cupíshi mitsu ainan 'inun iémiaxa.
Mitsúnmi ñu upí 'acë cupíma ca Jesucristo bama cupíshi
Nucën Papa Diosan ax cuëenquinshi mitsu ainan 'inun
iémiaxa. An ca an ñu upí 'acë cupí ainan 'inun uni iémima.
Usa 'ain ca uinu 'icë unínbi — 'ën upí ñu 'acë cupí cana
iëa —quixun rabíquin sinántima 'icën.

Romanos 10:9,10 A bana ca ësai quia: —Jesús ca 'ën
'Ibu 'icë —quianan bamacëbi ca Nucën Papa Diosan a
baísquimiacëxa quixun min nuitunën sinania ca Nucën
Papa Diosan ainan 'inun mi iémiti 'icën. Nun nuitu mëu,
asérabi ca nun 'ucha térénti 'icë quixun sinani
Jesucristomi catamëtia, ca Nucën Papa Diosan nun 'ucha
téréntinquin nu upí isia. Usoquin an iscéxnu —Jesucristo
ax ca asérabi 'ën 'Ibu 'icë —quia ca Nucën Papa
Diosan ainan 'inun nu iémia.



Juan 3:16,17 Camabi uni asérabi nuibaquin ca Nucën Papa Diosan aín Bëchicë achúshi ënë menu xuacëxa, uicamax cara ami catamëtia axa nëtétimoi abë 'inun. Nucën Papa Diosan ca aín Bëchicë an ënë menu 'icë unicama aín 'ucha cupí 'uchonun xuáma 'icën. Ama, ënë menu 'icë unicama aín 'ucha tërénquin ainan 'inun iéminun quixun ca xuacëxa.

1 Juan 5:11-13 Nucën Papa Dios ca quiacëxa, aín Bëchicëmi catamëcë cupí cananuna an 'imicëx ainan 'aish xënibua 'aínbi abë 'iti 'ai quiax. Uinu 'icë unix cara Nucën Papa Diosan Bëchicënan 'icë, a unix ca usaribiti nëtétimoi Nucën Papa Diosbë 'ia. Usa 'aínbi ca uinu 'icë unix cara aín Bëchicënanma 'icë, a unix xënibua 'aínbi Nucën Papa Diosbë 'ima. Aín Bëchicëmi catamëcë 'aish camina ainan 'aish Nucën Papa Diosbë xënibua 'aínbi 'iti 'ai quixunmi 'unánun cana ënë ñucama mitsu cuënëoxunin.



Mateo 8-9; Marcos 1-2, 4; Lucas 4, 8; Juan 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Cashibo-Cacataib Bible (cbr) © 1978, 1995, 2008, 2022
Wycliffe Bible Translators, Inc. All rights reserved.

<https://live.bible.is/bible/CBRWBT/MAT/1>

©2024 Bible for Children, Inc.

www.M1914.org

www.bibleforchildren.org

